



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Capvt XII. Idem (a) Altißiodoren. Episcopo.

[urn:nbn:de:hbz:466:1-74526](https://nbn-resolving.org/urn:nbn:de:hbz:466:1-74526)

CAPVT XII.

Idem (a) *Altiſſiodoren. Episcopo.*

Tuæ fraternitatis discretio postulat. *Et infra:* Quæſiſti præterea, ut cum interdum Canonici, quibus studiorum gratia est indultum, ut in absentia sua fructus percipiant præbendarum suarum, acceptâ licentiâ, se ad villas transferant, vel castella, in quibus nullum est, vel minus competens exercitium studiorum; utrum præbendarum suarum fructus sint talibus conferendi? Ad quod breuiter respondemus, eis, qui huiusmodi fraudem committunt, cum fraus, & dolus nemini debeat patrocinium impertiri, præfatam indulgentiam competere non debere.

NOTÆ.

(a) *Altiſſiod.* Ita etiam legitur in 3. collect. sub hoc tit. cap. 4. De Ecclesia Altiſſiodor. & Guillelmo ejus Prælato, cui in præſenti relati-

bit Innocentius, nonnulla notavi in cap. 14. de præſumpt. & commentarium hujus textus dabimus in cap. licet, de præbend. ubi de privilegio percipiendi fructus ab absentibus causa studiorum, plenè agemus.

CAPVT XIII.

Honorius III. V. *Præposito de (a) Valeris.*

Ex parte tua fuit propositum coram nobis, quod tempore, quo Præposituram de Valeris recepisti, præstitisti de faciendâ residentia, quæ (b) ligia nuncupatur in Ecclesia sancti Martini Turon. in qua Præposituram eandem obtines, (c) juramentum: præstito insuper juramento, promittens quod homines, & jura ipsius Præposituræ (d) manuteneas, & defendas. Cum autem prosequendo præposituræ jura, residere interdum in Ecclesia memorata non possis, de juramento super ipsa residentia præstito metuens, provideri tibi super hoc à nobis humiliter postulasti. Nos verò dicimus, quod si te non absentando in fraudem, Præposituræ tuæ jura fideliter prosequaris, quum ex hoc penseri debeas residens, perjurium non incurris.

NOTÆ.

V. *Præposito de Valeris.* Ita legitur in quinta compilatione Honorii, edita à Cironio, sub hoc tit. cap. 1. id est, Præfecto, seu Præsuli de Valeris, Ecclesie S. Martini Turonensis; hoc enim nomen à civili politia ad ecclesiasticam transit; & Præpositi Ecclesiarum Præsules appellari cœperunt, Gaufridus lib. 1. epist. 12. ibi: *Dictum est mihi, quod Hugo Præpositus Carnotensis Ecclesie.* Ivo Carnot. epist. 98. ibi: *Causam, quam adversus te habet prædictus Gaufridus de Præpositura.* Notarunt Bosquetus ad Innoc. III. lib. 1. epist. 34. *Cæsar de ecclesiast. hierarch. disp. 12. §. 4.* & nonnulla adduxi in cap. 1. verbo *Præpositus, de tempor. ordin.* Ecclesia autem hæc D. Martini à B. Perpetuo Turonica Sedis Præsule constructa fuit, in eaque transarum ejusdem sancti corpus, ut ex Severo Sulpitio refert Cironius in nota ad hunc textum; plura de ipsa Ecclesia referunt Gregorius Turon. lib. 2. hist. cap. 14. Yepes in chron. D. Benedicti, anno 552. cap. 2. Chopinus lib. 2. de sacra polit. civil. 6. num. 14.

(b) *Ligia.* Hæc verba omiſſa sunt à Raymundo, sed apprimè explicant obligationem residentie, quam Honorius ligiam dixit, ut significaret residentiam continere integram dedicationem, & totalem subjectionem. Ligia enim est obliga-

tio standi semper à partibus Domini, cui promittitur. D. Bernardus epist. 320. ibi: *Nam illa die filii Petri Leontis omnes humiliter genuerunt se ad pedes Domini Papæ, & facti sunt homines eius ligiti, & juraverunt ei ligiam fidelitatem.* De Roberto Siciliæ Rege, qui se Romano Pontifici ligiam sponondit, refertur in Clement. Pastoralis 3. de re judic. & Marthæus Patissus in vita Offa primi, ait: *Offa filio suo unigenito ligiam fecerunt fidelitatem.* Latè illustrat Meursius in Glossario, verbo *Ligios.* Gerardus Vossius de vni. sermon. lib. 3. cap. 20. Unde Honorius refert, Præpositum de Valeris promississe residentiam ligiam, id est, integram, & totalem, ut præstant Vassalli Dominis suis, juxta tradita à Vossio ubi proxime; beneficiarii enim, & cæteri Præsules debent assidue residere in propriis Ecclesiis; cap. ad hæc, de præbend. Unde in eis dicuntur collocati, 7. Synodus can. 15. assidui, cap. ad hæc, 13. de præbend. & plerumque incardinati, ut notavit Cironius in præſenti.

(c) *Juramentum.* Id enim, quod cujusque officii ac muneris est, ex statuto, vel praxi Ecclesie juramento firmari potest; unde quia residentia in propria Ecclesia officio paritorali annexa est, id è juramentum de residentia canones exigere permittunt; nec dubium quin ordinum functiones, & habitus clericalis gestio, vel alia hujusmodi, quæ ecclesiasticis legibus sancita